

1447, Mai 5.

289.

*Heinrich, Abt zu Berge, beurkundet, dass Johann von Hordorf, Stiftsherr zu S. Nicolai in Magdeburg, dem Kloster 3 Pfund Pfennige, 8 Schilling und 25 Hühner jährlichen Zinses von 9 Hufen zu Klein-Ottersleben und Lemsdorf für einen jährlichen Zins von 8 Schock Geldes überlassen und dem Convent einen jährlichen Zins von einer halben Mark vermacht hat, und verordnet die Feier des Jahresgedächtnisses des Geschenkgebers, seiner Eltern und Freunde.*

Wyr Heinrich Mosekaw von der gnadenn gottes abbet des elosters to Berghe vor Magdeburg des ordens sancti Benedicti bekennen openbar in dussem breve vor allen de een sehen oder horen lesen, dat we uns gentzlikenn unnde med wolbedachtem mode wol voreyniget hebben und vortragen midt ern Iohan Hordorpe, canonick inder kerken to sunte Nielaide to Magdeburg, also umme dre punt pennige und achte schillinge iarlike tynses Maydeburgischer werunge unde vif unde twentich hunre, de to tinse ghan edder komen van VI hufen landes und von dren hufen in dem dorpe und up dem velde to lutkenn Ottersleve unde to Lemsdorpe, de de ergenante ern Iohan Hordorp und Arendt Haldesleve von uns unde von unsen closter to leene hebben, also dat de ergenante ern Iohan Hordorp de vorgeschreven renthe und tynse schall vorlaten unde vorlet de also in craft dusses breves recht und reddeliken midt guden willen midt alsotaneme underscheide dat we oder unse nakomelinge abbet des closters to Berge schullen unde willen dem ergenanten ern Iohan Hordorpe wedder dar vor in de stede to synem leine alle iar geven unde woll betalen uth unses closters gudern unde tynse wor we de hebben unde benemeliken uth unsen tynsen achte schock geldes ane allerleye weddersprake unde hindernisse der wyle dat he levet unde niht lenck uppe dat, dat de gude werke niht unverlonth en bliven, so hebbe we angeseen synen guden andacht unde guden willen alle iar nach dem suntage Iubilate beghan lathen van den vorgeschreven tynsen in unsem clostere und kerken de dechnisse unde iartyde Hans Hordorpes synes vaders, Ermgarden, de syne moder gewest is, und Arendt Haldesleve, Sebastian Weddingen und der iennen de em in syn bedt bevalen synt, unde gheven up den chor den hern to der selemissen eyne halve marck geldes Magdeburgischer werung, also dat wonlich ist. Were ok dat der er Iohan Hordorp von todeswegen afginghe, dat schullen syne testamentarii uns vorkundigen und wittlik dohn edder wen wy dat erfahren dan so will wy en von stundt beghan laten midt viligen unde midt selemessen und schrive en by de ergenanten eldern und syne frunde in unse mortuorium unde latenn denne sie also alle ihar beghan in aller weyse also vorgeschreven steidt. Also dusse vorgeschreven stücke love wy Hinrick Mosekaw abbet ergenante vor uns unde van unse nakomelinge wegen den er-